

Кузь нэм да бур шуд!

Эжа йывлөн слава


Михаил Алексеевич Тарабукин

Чужис 1932 вося ноябр 23 лунö Керчомъяын. 37 во уджалис вөр овмөсын: Усть-Куломскöй леспромхозын бракерөн, десятникөн, Керчомъяса кылöдчанінын трактористөн, трелюйтчысьөн.

Гöтырыскöд быдтісны да велöдісны вит челядьöс.

Бур уджысь сетісны «Уджывьса ветеран» да юбилейнöй медальяс, почёт грамотаяс, унаысь нимсö ыджöдлісны почёт пöв вылын.

Кувсис 2006 вося сентябр 21 лунö Керчомъяын.



Звезда Севера

Эжа йывса войтырлөн газет

Петö 1929 восянь

Субöта, 2011 вося июль 30 лун

92 (10367)-öд №

Серавны
серав, но
пиньястö эн
жерйöдлы

(коми шусьöг)

ТÖДÖЙ, МЫЙ ВЫЛЫС

ВОЛІС АНЫБÖ

Районса юралысь Д.А.Шатохин середаö воліс Аныбö.

Сыкöд тшöтш воліны районса администрацияөн веськöдлысьöс вежысь Н.А.Левченко, райсоветса депутат А.И.Кулясов да районса администрациясь орготделөн веськöдлысь С.И.Суханова.

Видзöдлісны детсад, библиотека да бурдöдчанін. Тыдовтчис, мый библиотекалөн виялö вевтыс, бурдöдчанінын кöдзыд. Дмитрий Александрович кöсйис отсыштны сьомөн, медым ньöбны да пуктыны бурдöдчанінö конвекторъяс. Шипер кöсйис корсьны сиктса юралысь В.И. Панюкова.

Районса юралысь рытнас культура керкаын аддзысьліс сиктса йöзкöд да вочавидзис юаломъяс вылö.

ЛÖСЬÖДІСНЫ ЙІТÖДЪЯС

«Барс» котыр, кодөн веськöдлö райсоветса депутат Р.В.Третьяков, лöсьöдіс бур йитöдъяс «Монди СЛПК» котырөн веськöдлысьяскöд.

«Барс» котырлөн бульдозеръясөн лöсьöдісны Югыдъяг дорын пуръясянін. Öнi уджалöны Керчомъяын. Сы бöрын лэччасны Кебанъяльö.

«Барслөн» выль КамАЗ лэччöдлö и вөр «Монди СЛПК»-лы.

УДЖАЛÖНЫ БУРА

Дереваннöй посёлокын арнас восяяс выль бурдöдчанін.

Керка кыпöдлісны 20 во сайын, но сьом тырмытöм вöсна уджъяс эз помавны. Таво больничка эштöдöм вылö сьом вичмöдісны. Öнi уджалö «Рост» котырысь И.Г.Долгушевлөн 5 морта котыр.

- Куим вежонөн унатор нин вöчим, - висьталіс Игорь Геннадьевич. - Вылгысь вевтчим, вежлалім сісьмöм брусъяс, пукталім выль öшиньяс. Öнi вöчясям пытшкöсын. Уджалам шойччан луньястöг, зілям öдйöджык помавны.

Асланым да общ. корреспондетъяс.

АСКИ - РОССИЙСКОЙ ФЕДЕРАЦИЯСА ВОЕННО-МОРСКОЙ ФЛОТЛÖН ЛУН



Керчомъяысь куим вок - Анатолий, Михаил да Василий Жикинъяс - служитісны Военно-Морскöй Флотын.

- Анатолий вöлі Амурскöй флотилияын, Михаил - Войвыв, а ме - Тихоокеанскöй флотын, - висьталіс В.А.Жикин. - Кулöмдінысь Александр Русиновкöд вöлім öтлаын Роч ді вылын. Öнi телевизор пыр тшöкыда петкöдлöны эснi пос вöчöм.

Керчомъяса шöр школа помалöм бöрын Василий велöдчис водителö, медым армияын служитны специальность серти. Но эз ло сы ног. Служитіс куим во туяся «Чажма» корабль вылын. Вöлі радиотелеграфистөн. Матысянь аддзыліс США-лысь корабляс.

Василий Жикин служитіс бура. Вöлі медводдза класса специалистөн, гортö локтіс медводдза статьяса старшинаөн.

Николай ЛЮТОЕВ.

Снимок вылын: Василий Жикин 1982 воын.

«ВЕНАМ ÖТУВЪЯ ВЫНЪЯСÖН»

«Парма гор» йöзöдö Коми республикаса юралысь Вячеслав Гайзерлысь вöрса öзйöмъяскöд йитöдын республикаын олысьяс дорö шыöдчöм.

«Тайö лунъясö республикалы колö тiансянь отсöг. Эн муной вөрö, татшöм кос поводдя дырйи быдтор вермас вайöдны öзйöмöдз. Кута лача, мый тi вежöртанныд артмöм серпассö. Юöртöй меставьса власьтлы да тайö юкöнын кывкутысь службаяслы быд öзйöм йылысь. Татшöм ногөн тi зөв отсаланныд ас кадö лөнөдны да кусöдны сöмын на артмöм öзйöм.

Сиктъясын, посёлокъясын, деревнясын, дачаяс вылын олысьяслы вöзъя лöсьöдны биысь дорйысьяслы отсасян котырыяс. Тi верманныд пуктыны лөкторкöд öтувъя тышö ыджыд пай - отсалöй кусöдны öзйöминъяс, миянлы колöны ас окота серти кыпалысь йöз, торйөн нин сэтшöмъяс, кодъяслөн эм биысь тышкасьöм кузя кужöмлун да опыт.

Кытчöдз öзйыломъяс оз ло пöдтöма, вөрö вочыны ли шойччыны муном медводз вермас

лөкөн бергöдчыны аслыныс шойчысьяслы. Ассиян тöдчöда муниципалитетъясөн веськöдлысьяслы, мый пырысь-пыр жö колö примитны лөк вöчысьяс кузя мераяс. Öтилөн веськөдлун вöсна мед эз майшасыны сюрсыяс».

«Кулөмдін» муниципальнöй районса администрациялөн районса олысьяс дінö

ШЫÖДЧÖМ

Районнын июль 29 лун кежлö вöлі вöрса 34 öзйöлөм, сотчис 560 гектар. Помöсдінса лесничествöын вöлі 2 öзйöлөм, Кулөмдінсаын - 6, Пруптсаын - 13, Немдінсаын - 13. Öзйöлөмъяслөн коймöд пайыс йöзлөн мыж вöсна.

Талун сотчö кыклаын. Немдінса лесничествöысь öзйöм самолёт вывсынь аддзисны июль 25 лунö. Сотчис нин 130 гектар. Сотчö «Монди Сыктывкара ЛПК» комбинатөн кöртымö босьтöм вөр. Талун кежлö öзйöмсö кытшөвтöма, водзö оз паськав, регыд кусöдасын дзикöдз.

Пруптса лесничестволөн Ньюмыдса участокысь öзйöм казялöма самолёт вывсынь жö июль 24 лунö. Сотчис нин 250 гектар. Кусöдчöны Кулөмдін

авиаотделениеса парашютистыяс, нöшта 68 морт. Найöс сөсяя вежасын мукöдъяс. Бисö сьöкыд пöдтыны сы вöсна, мый лөк туйяс да посъяя вöсна он вермы матыстчыны техникаөн. Июль 27 лунö öзйöминсö век жö вöлі гөгöртöма, и би водзö эз паськав.

Вочса лесничествöын öзйöмкöд йитöдын панöма уголовной делö.

Кос поводдякöд да öзйöмъяскöд йитöдын «Кулөмдін» муниципальной районса администрация аслас индöдөн пыртис биысь видзчысьöм кузя аслыспöлөс режим. Сиктъяс да посёлокъясдорса вөр бöрся видзöдöны веллөдлөмөн полицияса уджалысьяс.

Ёна жар лунъяскöд йитöдын районса администрация вöзйö дугöдчывны вөрö ветлөмысь, сиктъясын, посёлокъясын да вөр дорын бипуръяс пестöмысь.

Казялөм öзйöмъяс йылысь пыр жö колö юөртны лесничествояслы, позянлун серти öтувъя диспетчерскöй службаö 01 либö 901 телефонъяс пыр, районса администрацияö 94-8-81 телефон пыр либö авиаотделениелөн диспетчерскöй 94-0-99 телефон пыр.

